




22.6613
0247.066
= 6

6




Kodak Color Control Patches



新都縣志卷八

選舉志

古者鄉舉里選之法所以崇實行也漢有舉賢良
 孝廉茂才等詔猶得成周遺意迨隋設進士科尚
 尚文藝後世因之論者以為古法寢微顧自唐宋
 元明以來科目之外未嘗不兼重實行列薦剡者
 如治平之黃君俞熙寧之王安國元豐之程頤元
 祐之陳師道元符之徐績皆卓然較著者有明楊
 士奇陳濟以布衣處士遽命為太祖實錄總裁官



本朝定鼎之初鄉會開科徵召遺逸特舉博學鴻詞
 之科以收奇才異能之士舉孝廉方正孝友端方
 有猷有為有守者出乎其中立德立功立言者由
 此其選舉凡成均之俊秀公侯之于城亦得並入
 乎其途而莫能外焉猗與休哉生斯土者砥行礪
 名期為有用之學或以言揚或以行舉黼黻鴻猷
 後先輝映文忠文憲之勲業文章不難再見於今
 日矣作選舉志

漢

楊

統

永平中舉方正司徒魯恭辟椽遷侍中光祿大夫

楊

厚

統仲子方正有道公車連徵皆不就永建二年順帝特徵郡縣督促發遣拜議郎遷

侍中

段

恭

上計椽兼舉孝廉茂才

王

恂

以治中從事舉茂才除鄆令

諒

輔

為郡五官椽

楊

寬

為郡吏

汝

敦

舉孝廉

王

累

為劉璋從事

張任 為劉璋將

晉

王載 漢嘉太守

唐

鄧袞 大中進士

宋

沈卣 紹興進士朝奉郎知榮州

沈浚明 進士通直郎

沈子震 乾道進士通直郎

元

沈仲弼 進士修職郎

鄧應午 進士

布景範 至正進士

趙鉉 至正進士

王子儀 至正進士

明

進士

永樂癸未科

蕭榮

蕭韶

正統七年壬戌科

楊觀

歷御史有傳

成化十四年戊戌科

楊廷和

成化十七年辛丑科

楊春

萬歷野獲編新都楊春號留耕者以成化乙酉舉鄉試又十七年辛丑始舉南宮時已年四十有六其長君廷和已先登戊戌進士為翰林檢討矣

宏治六年癸丑科

王舜夫

宏治十二年己未科

楊廷儀

廷和弟歷侍郎

正德六年辛未科

楊慎

明史正德六年楊廷和子慎廷試第一廷和時引嫌不讀卷慎以高才及第人無訾之者萬歷野獲編升菴先生鄉試第三會試二廷試為狀元三試皆巍科又以次順占

嘉靖二年癸未科

楊惇

字用叙廷和次子兵部主事

王閣 字士延雲南提學副使

嘉靖五年丙戌科

楊恂 字用德延儀長子雲南僉事選庶吉士為張字敬所切齒出授外官見萬歷野獲編

嘉靖十一年壬辰科

馬中驥 字唯德戶部主事

嘉靖三十八年己未科

湯仰 字子山

萬歷五年丁丑科

楊有仁

國朝

康熙五十四年乙未科

楊鳳岡 翰林院檢討

乾隆十三年戊辰科

高文芳 廣西懷遠縣知縣陞東蘭州知州

乾隆二十八年癸未科

傅宗沅 任湖北武昌縣知縣

乾隆三十七年壬辰科

李陽棫 歷監察御史湖南常德府知府

舉人

明

尙德

王權

王敬

洪武丙子科

辛文泉

仕黑鹽井提舉司

永樂癸未科

蕭榮

蕭韶

永樂乙酉科

王睿

仕路城縣知縣

唐傑

杜履道

王清

永樂戊子科

王錫

朱瑄

永樂辛卯科

張珩

永樂丁酉科

楊彪

永樂癸卯科

劉信

劉源

正統辛酉科

楊觀

李敬 仕仁和教諭

正統甲子科

朱佐 仕陝西都司經歷

天順己卯科

謝義 仕長沙府訓導

成化乙酉科

楊春

王舜夫

成化辛卯科

楊廷和

李經

字常通生方縣知縣

李漢輝

成化庚子科

楊槃

竇崇山

宏治乙卯科

楊廷儀

單麟

宏治戊午科

楊廷平

宏治辛酉科

楊廷宣

楊慎

楊惇

正德癸酉科

侯蕃之

字邦鎮仕羅山縣知縣

楊恂

楊愷

正德丙子科

王閣

楊華 字克成仕昆山縣教諭

楊忱

嘉靖壬午科

馬中驥 歷主事

嘉靖辛卯科

湯傳

嘉靖丙午科

孫煒 字文煥仕平涼府通判

嘉靖壬子科

湯仰

嘉靖辛酉科

周敬修

萬歷癸酉科

楊有仁

謝君賜 知縣

張惟俊

楊萬仞

張邦柱

國朝

康熙二十年辛酉科

冷茂梅

李埴 任湖廣永州府江華縣知縣

康熙二十三年甲子科

楊文茲

康熙二十九年庚午科

殷式訓 任福建德化縣知縣歷仕至漕運總督

康熙四十一年壬午科

汪雲鵬

李繼白

李仙齡

康熙五十三年甲午科

楊鳳岡

雍正二年甲辰補行癸卯科

陳于錦

任河南濟源縣知縣

李瑾

雍正七年己酉科

陳于鑑

雍正十年壬子科

李時敦

乾隆元年丙辰

恩科

吳道成

楊鳳庭

汪濬

乾隆九年甲子科

傅宗元

浦蘭馨

任甘肅華亭縣知縣

乾隆十二年丁卯科

高文芳

乾隆十七年壬申

恩科

羅掖章

任山東臨淄縣知縣

乾隆十八年癸酉科

夏先哲

任山東鄒平縣知縣

乾隆二十一年丙子科

苟珣

乾隆二十四年巳卯科

趙廷鼎

仕至廣西東蘭州知州以軍功陞泗城府知府未到任卒

乾隆二十五年庚辰

恩科

羅宗元

任福建德化縣知縣

王紹會

乾隆二十七年壬午科

賴中孚

乾隆三十三年戊子科

李珩

任陝西麟遊知縣

黃端書

栗榮山

任江蘇沐陽縣知縣

乾隆三十五年庚寅

恩科

李陽械 壬辰進士

乾隆三十六年辛卯科

徐敬修

乾隆三十九年甲午科

趙繼德 任湖南安鄉縣知縣

趙光錫 新都人入華陽籍任六安州州同

趙廷桂 新都人入華陽籍

乾隆四十二年丁酉科

趙繼祖 任福建寧洋縣知縣

劉成卓

乾隆五十三年戊申

恩科

楊魁 忠州教諭

劉獅 新都人入華陽籍任壁山縣教諭

熊維鼐 乾隆五十四年巳酉科

楊文瑾 新都人入漢州籍任山西寧鄉縣知縣

乾隆五十七年壬子科

任維選

馮淑楷

新都人入新繁籍山西孝義縣知縣

邱坦

新都人入華陽籍

乾隆五十九年甲寅

恩科

劉應勳

榮昌縣教諭

周化南

新都人入汶川籍

嘉慶三年戊午科

李蒼林

恩科

嘉慶六年辛酉科

徐淳

嘉慶十三年戊辰

李于廷

黃嘉穀

雲南大姚知縣

梁鳴盛

入成都籍

趙國寅

嘉慶十五年庚午科

温玉聲

現任直隸邛州蒲江縣訓導

鞠汝欽

南溪縣教諭

楊德三

嘉慶十八年癸酉科

温玉潤

原任叙州府長寧縣教諭

嘉慶二十一年丙子科

黃裳

秀山訓導

嘉慶二十四年巳卯科

張勗修

墊江縣訓導

道光元年辛巳科

陳陶

李志白

熊潤基

南川訓導

熊澤基

道光五年乙酉科

温德懿

劉涵海

道光八年戊子科

王昀

道光十二年壬辰科

謝子澄 直隸候補知縣

道光十四年甲午科

袁煥

道光十五年乙未

恩科

史昭如 新都人人金堂籍

道光十九年己亥科

冉文炳

道光二十年庚子科

魏用之

向熙南

恩賜舉人二十四年甲辰會試後
恩賜翰林院檢討

道光二十四年甲辰

恩科

楊森華

貢生

明

安正 磁州知州

何敏 歷河南參政

顧瑞 淳化主簿

陳諒 吏部主事

高榮 溧水縣丞

吳永中 電白縣丞
以上永樂

王聰 保安縣丞

李密 吳縣主簿

喻鑾

喻軌 鑾子永平同知
以上洪武

喻銘 南康府同知

何敬 知府

張彥清 藍田縣丞

劉本源 燕山右衛經歷

韓友安 永新縣丞

楊玫 永寧州吏目
以上宣德

喻惟精 思州衛經歷
正統

蒲憲 桂東縣丞
以上景泰

楊斌 靈武縣丞

王文昭 廣州吏目

王寧 通判
以上天順

侯爵 江西都司斷事

李英 麟遊縣丞

劉經 江華教諭

趙善 思南教授

張洪 孟津縣丞

單彥明 澄城縣丞

李宏 江浦主簿

王秉 永寧衛知事

孫鳳 西安府

王鳳 昆明縣丞

潘矩 醴泉縣丞

吳祐 麻城縣丞

吳祥 徽州訓導

王睿 慈利縣丞

白瑄 主簿

劉冕 洛陽訓導

梁冠 始興縣

吳伯恭 曲周縣丞

蒲勝宗 南陽檢校

趙益 涇陽縣

李敬中 潛江縣丞
以上成化

陳芳

郭仲質 洋縣教諭

裴相 荆門州判

張昇 辰州教授

李伯珠 常熟訓導

侯翰 金縣訓導

宋應明 松滋教諭

溫聘賢 大姚縣

吳道芳 荊州訓導

戴文郁 洵陽訓導

侯崇 昆明訓導
以上正德

李倫 常山縣丞

羅銳 吏目

羅維 武進訓導

楊幅 永平通判

趙國彥 辰州訓導

蒲從禮 臨洮訓導

俞鳳 山丹衛教授

侯明之 新昌訓導

李衡 鄞縣訓導

李悅 遼府長史

趙惟仁 三原訓導

陳良佐 長沙訓導

王聘 巴陵訓導

楊性 瀘溪縣

趙季仁 清河訓導

趙茶 上猶教諭

侯朝 建德訓導

鄜州訓導

王祖堯

楊恢

寧國訓導

周仁

楊慥

延儀子監生姚安府知府

楊悅

延宜子監生楚府長史

國朝

梁樞

張拱

李世英

王儒林

鍾文亮

馮縉

吳德柄

吳江

趙榮達

李覺楹

彭璉

吳道正

黎修

譚經

徐時懋

范鳳台

彭如蘭

張綸

周黨

熊祖莊

李陽棫

陳映辰

蔡調六

王霽堂

馮倅元

温德懿

魏用之

柳繼茂

新修縣志

丁酉拔貢
以上拔貢

選舉

二

嘉慶癸酉拔貢

道光乙酉拔貢

己酉拔貢

嘉慶辛酉拔貢

乾隆乙酉庚寅
經魁

丁酉任宜賓縣教諭

以上恩貢
雍正戊申

雍正癸卯拔貢
任洪雅縣教諭
己酉拔貢

雍正癸卯拔貢

苟瑋

趙文清

黃廷謀

趙文獻

傅偉

羅洪德

任閬中縣訓導

白燦

王景晉

任合州訓導

馬純正

任興文縣訓導

黃乘飛

任會理州訓導

陳濟

任內江縣訓導

趙晉鼎

任馬邊訓導

傅薦元

莊德彰

苟璠

陳瑞芝

任定遠縣訓導

傅清賢

張斌

陳暉

李國材

劉維新

黎仲

庾建中

李統

張士坊

黎仲

何啟元

柳祖元

潘尙遴

曾燁泗

曾學敏

陳兆與

劉應祥

馮作霖

嚴誼

龔國瑛

周象豐

傅宣元

李汝瑚

朱德粹

梁煥

趙光烈

程開宗

趙華

羅國傑

方元笙

楊德一

陳今我

張仁澍

袁德馨

尹殿颺

溫 和

黃鍊金

蔣增蘭

張錦城
以上歲貢

武進士

國朝

雍正二年甲辰科

王國珩

雍正十一年癸丑科

劉 琯

乾隆十年乙丑科

馬 鎧
御前侍衛

馬天叙

御前侍衛任廣東都司

武舉

康熙二十六年丁卯科

高名標

康熙三十二年癸酉科

馬如援

康熙三十五年丙子科

馬瑞圖

康熙四十四年乙酉科

羅瑛

任湖北武昌府大冶縣道士泐都司

康熙四十七年戊子科

李含英

通志作含宏

雍正元年癸卯

恩科

趙環

王國珩

雍正二年甲辰補行癸卯正科

古京

毛振翔

楊瑜

李天棋

雍正十年壬子科

劉瑄

乾隆九年甲子科

馬鎧

馬天叙

乾隆十二年丁卯科

羅元輔

乾隆十七年壬申

恩科

許世亨

乾隆二十一年丙子科

梁棟樑

乾隆二十四年己卯科

蔡若鴻

廖國清

乾隆三十年乙酉科

盧同章

乾隆三十三年戊子科

胥文沛

乾隆三十五年庚寅

恩科

周鳳鳴

溫光蜀

乾隆三十九年甲午科

馬德林

乾隆四十五年庚子科

馬大襄

乾隆五十一年丙午科

許文謨

乾隆五十三年戊申

恩科

冉仕儀

乾隆六十年乙卯科

梁玉麟

蕭聯斗

嘉慶五年庚申

恩科

温光超 解元

冉志昌

嘉慶九年甲子科

劉安峒

嘉慶十五年庚午科

曾嘉賓

嘉慶二十四年己卯科

馬超羣

萬戰勝

道光十七年丁酉科

秦松

道光二十三年癸卯科

李燦然

副榜

馮芝秀 乾隆丙辰科

趙繼德 乾隆己卯科

左鑑 乾隆辛卯科
內江教諭

馮朝宗 乾隆甲午科
蒼溪教諭

譚敬修 乾隆己亥科
華陽籍隆昌教諭

劉彬 乾隆甲寅科

包德成 道光辛巳科
恩賜副榜

冉文炳 道光戊子科

駱良驥 道光甲午科

魏用中 道光庚子科

葉培蓉 道光庚子科
恩賜副榜

喬春林 道光癸卯科
入漢州籍

封蔭 補遺

陳綏嵩 嘉慶戊寅科

宋

沈恪 以賞得官

沈樞 以恩官 迪功郎

明

楊壽山 以曾孫 貴楊 玟 以孫廷和貴贈光

楊春 以子廷和貴贈光祿大夫柱國少保兼太

楊廷歷 以兄廷和恩蔭 楊恆 以父廷和恩蔭中

楊興仁 以祖廷和恩蔭 楊宗吾 以曾祖廷和恩蔭

湯毅 以祖祥難蔭襲成都後衛百戶階昭信校

國朝

李世茂 以孫陽棫貴贈 李珩 以子陽棫貴贈奉

李琛 以姪陽棫貴贈 高于崧 以孫文芳貴贈文

高士致 以子文芳貴贈 文林郎 高如奇 以孫大雄貴贈 奮武郎

高文祿 以子傑貴贈 武畧騎尉 高俊 以姪定邦貴贈 武德騎尉

趙環 以孫光錫貴贈 儒林郎 趙繼堯 以子光錫貴贈 儒林郎

高安杰 以孫樞貴贈 中議大夫 高明遠 以子樞貴贈 中議大夫

郭軾賢 以子方城貴贈 登仕佐郎 蒲時茂 以孫蘭馨貴贈 奉直大夫

蒲潮 以子蘭馨貴贈 文林郎 夏鳳翹 以子先哲貴贈 修職郎

趙必達 以子繼德貴贈 修職郎 周參元 以子濤貴贈 修職郎

黃照 以子本忠貴贈 登仕佐郎 瞿國藩 以曾孫心能貴贈 武翼都尉

瞿瑤 以孫心能貴贈 武翼都尉 瞿先覺 以子心能貴贈 武翼都尉

譚綱 以子敬修貴贈 修職郎 馬如奇 以孫大雄貴贈 奮武郎

馬錦 以子大雄貴贈 奮武郎 馬南勳 以孫忠林貴贈 武畧騎尉

馬懷亮 以子忠林貴贈 武畧騎尉 虎應智 以父成林從征 金川陣亡 蔭千總

馬懷榮 以父大襄從征 西藏病故 蔭八品官 職兄 懷能承蔭 從征 苗匪陣亡 無子 以懷榮蔭

劉仲 以父君相從征 緬甸陣亡 追襲恩騎尉 世職

許文謨 以父世亨出征 安南陣亡 承襲三等伯爵 福建提督

許文綬 以父世臣總兵 任廕二品 廕生 現任雲南 徽江府知府

羅明斗 以父廷柱從征 救匪傷亡 蔭恩騎尉

虎鎮明 以父彪從征 苗匪病故 蔭八品 監生

高定邦

以父傑從征教匪陣亡承襲雲騎尉世職

虎文炳

以父應智蔭承蔭衛千總

周之禎

以子鳳岐貴贈奮武校尉

馬永慶

以父魁出師陣亡蔭守備

馬如鑑

以子魁貴贈武德騎尉

武登魁

以曾孫魁貴贈昭武都尉

趙洞

以子繼祖貴贈文林郎

武士杰

以子魁貴贈昭武都尉

武星輝

以孫魁貴贈昭武都尉

應例

附

高肇遠

由監生遵例捐府知事分發直隸

周參元

由貢生遵例捐吏目分發貴州

周煥元

由議敘八品頂戴遵例捐鹽大使分發廣東

黃本忠

由監生遵例捐從九品分發浙江

郭方城

由監生遵例捐從九品分發江蘇

周濤

分發直隸補棗強縣縣丞六年俸滿咨署密雲縣知縣

周澂

由監生遵例捐從九品分發湖南

張大偉

由監生遵例捐從九品分發廣西

周清

由廩貢遵例捐通判補鎮安府小鎮安通判

周涵

由附監遵例捐從九品補曲靖府尋甸州易古巡檢

黃昌化

由監生遵例捐從九品分發山西

張璞

由監生遵例捐從九品分發江西補表湖司巡檢

張大任

由監生遵例捐從九品分發廣西

周沆

由監生遵例捐縣丞分發陝西

梁克寬

由監生遵例捐府經歷分發福建

高樞

由監生遵例捐郎中任刑部司郎中

廖銳

由監生遵例捐通判分發廣西

梁玉振

由監生遵例捐州吏目分發山東

白應揚

由監生遵例捐未入流註選分發安徽穎上縣典史

許文誥

由監生遵例捐從九品分發浙江

許文極

由監生遵例捐州吏目分發河工試用

尹濟美

由廩貢加捐訓導署嘉定府教授

游中俊

由廩貢加捐訓導

馮俸元

由拔貢加捐教諭

周澍

候選布政司經歷

周溱

候選布政司經歷

周瀛

候選從九品

周祖南

候選從九品

蔣文煊

候選從九品

周馨南 候選未入流

黃贊堯 候補未入流

鄭達書 由監生加捐縣丞

楊中豐 由俊秀加捐從九

王登華 候選州同

魏應芳 由監生捐縣丞分發福建

梁時敏 由監生捐從九品分發雲南
現任騰越州吏目

陳躍龍 由監生捐從九分發江西署南城奉新縣
典史告歸

白訓 由監生捐從九分發廣東高明縣巡檢

高炳文 由州同加捐知縣分發廣東

楊光海 由稟貢生捐訓導現任蓬州訓導

鄧雲從 由廩貢生捐訓導

高于岷 由監生捐布政司理問

高嗣揚 由未入流捐州吏目加捐府經歷

高鳳崗 由監生捐從九品

周明南 由浙江太平縣典史在任加捐府經歷

趙啟昫 由從九議叙縣丞分發廣西

魏作霖 由廩生捐訓導現任忠州訓導議叙州判

梁克恆

由監生加捐府經歷

程秀伊

由監生加捐從九品

尹肇莘

字樂渠由廩貢捐訓導歷任
東鄉縣教諭潼川府訓導

新都縣志卷九

人物志

地志紀人物所以補史之缺也自晉常璩作漢中
士女志後襄陽耆舊傳及汝南先賢傳皆因之邑
為蜀之名都自漢以來代有傳人明季兵燹後書
缺有間今就史冊所載及聞見之可據者廣為蒐
羅次其行事庶前徽不至湮沒而後起者亦知所
觀法焉作人物志

漢

楊統字仲通新都人事華里先生爰高高戒統曰漢九世王出圖書與卿適應之建武初天下求能通內讖二卷者不得永平中刺史張志舉統方正司徒魯恭辟掾與恭共定音律上家法章句及二卷解說遷侍中光祿大夫以年老道深養於辟雍授几杖爲三老卒內讖二卷竟未詳

華陽國志

楊博統長子字仲達官至光祿大夫

華陽國志

楊厚字仲桓廣漢新都人也祖父春卿善圖讖學爲公孫述將漢兵平蜀春卿自殺臨命戒子統曰

吾緜裘中有先祖所傳祕記爲漢家用爾其修之統感父遺言服闋辭家從犍爲周循學習先法又就同郡鄭伯山受河洛書及天文推步之術建初中爲彭城令一州大旱統推陰陽消伏縣界蒙澤太守宗湛使統爲郡求雨亦卽降澍自是朝廷災異多以訪之統作家法章句及內讖二卷解說位至光祿大夫爲國三老年九十卒統生厚厚母初與前妻子博不相安厚年九歲思令和親迺託疾不言不食母知其旨懼然改意恩養加篤博後至

光祿大夫厚少學統業精力思述初安帝永初二
年太白入北斗洛陽大水時統爲侍中厚隨在京
師朝廷以問統統對年老耳目不明子厚曉讀圖
書粗識其意鄧太后使中常侍承制問之厚對以
爲諸王子多在京師容有非常宜亟發遣各還本
國太后從之星尋滅不見尅水退期日皆如所
爲中郎太后特引見問以圖讖厚對不合免歸復
習業韃爲不應州郡三公之命方正有道公車特
徵皆不就永建二年順帝特徵詔告郡縣督促發

遣厚不得已行到長安以病自上因陳漢三百五
十年之厄宜蠲法改憲之道及消伏災異凡五事
制書褒述有詔太醫致藥太官賜羊酒及至拜議
郎三遷爲侍中特蒙引見訪以時政四年厚上言
今夏必盛寒當有疾疫蝗蟲之害是歲果六州大
蝗疫氣流行後又連上西北二方有兵氣宜備邊
寇隴右明年烏桓圍度遼將軍耿曄永和元年復
上京師應有水患又當火災三公有免者蠻夷當

反畔是夏洛陽大水殺千餘人至冬承福殿災太尉龐參免荆交二州蠻夷賊殺長吏寇城郭又言陰臣近戚妃黨當受禍明年宋阿母與宦者褒信侯李元等違姦廢退後二年中常侍張達等復坐誣罔大將軍梁商專恣悉伏誅每有災異厚輒上消救之法而閹宦專政言不得信時大將軍梁冀威權傾朝遣弟侍中不疑以車馬珍玩致遺於厚不答固稱病求退帝許之賜車馬錢帛歸家修黃老教授門生上名錄者三千餘人大尉李固數薦

言之太初元年梁太后詔備古禮以聘厚遂辭疾不就建和三年太后復詔徵之經四年不至年八十二卒於家策書弔祭鄉人謚曰文父門人爲立廟郡文學掾史春秋饗射常祀之

後漢書

段恭字節英新都人少周流七十餘郡求師受學經三十年凡事馮翊駮異孫泰山彥之章渤海紀叔陽遂明天文二卷東平虞叔雅學絕高當世遂遊於蜀恭以朋友禮待之後爲上計掾會有司劾太尉龐參兼舉茂才孝廉參性忠正亮直爲貴

戚所擯以恚發病遠近稱冤恭不能耐其狂抗疏表參忠直不當以讒佞毀傷忠正帝悟卽日召西曹掾問疾尋賜羊酒慰勞參忠後漢書龐參傳時三公之中參名心直數爲左右所陷毀以所舉用忤帝旨司隸承風案之時當會茂才孝廉參以被奏稱疾不得會廣漢段恭爲上計掾傳因會上疏曰伏見道路行人農夫織婦皆曰太尉龐參竭忠盡節徒以直道不能曲心孤立羣邪之間自處中傷之地臣猶冀在陛下之世當蒙安全而復以讒

佞傷毀忠正此天地之大禁人主之至誠昔白起賜死諸侯酌酒相賀季子來歸魯人喜其紓難夫國以賢化君以忠安今天下咸欣陛下有此忠賢願卒寵任以安社稷書奏詔卽遣小黃門視參疾太醫致羊酒

諒 輔字漢儒廣漢新都人也仕郡爲五官掾時夏大旱太守自出祈禱山川連日而無所降輔乃自暴庭中慷慨呪曰輔爲股肱不能進諫納忠薦賢退惡和調陰陽承順天意至今天地否隔萬物

焦枯百姓喁喁無所訴告咎盡在輔今郡太守改服責己為民祈福精誠懇到未有感徹輔今敢白祈請若至日中不雨乞以身塞無狀於是積薪柴聚芟茅以自環構火其傍將自焚焉未及日中時而天雲晦合須臾澍雨一郡沾潤世以此稱其至誠

後漢書

楊寬字叔仲新都人父斌證合萬世太守殿諷以忠義狀聞寬為郡吏鄉人馬閏章言太守王方寬與兄混偕詣獄證之得理後方遷南郡閏復章

之寬乃發閏臨私事閏伏罪友人汝錕為張明所殺寬怒縛明送錕家使自謝之也

華陽國志

郭玉華陽國志字通直新都人也後漢書方術傳廣漢雒人也初有父老不知何出常漁釣於涪水因號涪翁乞食人間見有疾者時下鍼石輒應時而效乃著鍼經診脈法傳於世弟子程高尋求積年翁乃授之高亦隱跡不仕玉少師事高學方診六微之技陰陽隱測之術和帝時為太醫丞多有效應帝奇之仍試令嬖臣美手腕者與女子雜處

帷中使玉各診一手問所疾苦玉曰左陰右陽脈有男女狀若異人臣疑其故帝歎息稱善玉仁愛不矜雖貧賤廝養必盡其心力而醫療貴人時或不愈帝乃令貴人羸服變處一鍼卽差詔玉詰問其狀對曰醫之爲言意也腠理至微隨氣用巧鍼石之間毫芒卽乖神存於心手之際可得解而不可得言也夫貴者處尊高以臨臣臣懷怖懾以承之其爲療也有四難焉自用意而不任臣一難也將身不謹二難也骨節不強不能使藥三難也好

逸惡勞四難也鍼有分寸時有破漏重以恐懼之心加以裁慎之志臣意且猶不盡何有於病哉此其所以不愈也帝善其對年老卒官

唐

鄧 袁新都人進士大中時撰有望雪樓記詳載藝文

宋

鄧應午字明父新都人袁之十七世孫也進士初爲高博尉時潰卒近境人情洶洶應午督兵守禦

乃定歲大疫市藥散賑不遺餘力郡有疑獄一訊立辨嘗攝令通泉芟吏弊免逋租後為華陽丞

通志

元

杜圭明費經虞劔閣芳華集新都人通五經尤長於春秋學者甚眾至廬舍不能容

趙天澤新都人與同邑杜圭明春秋齊名棄官薄遊江南無貴賤皆倒屣迎之最善括蒼劉基一日行省大臣論江左人物天澤首以基對眾愕然疑且竊笑之天澤退而贈基曰蕭何拔韓信元德師

孔明非信任之篤則泝水之奇八陣之妙何由照耀後世其文載於翊運錄中方基之未遇也授之以下法者曾義山而深奇預識者天澤也天澤有吳江月下泛舟詩見升菴集圖繪寶鑑云天澤字鑑淵善畫梅

明

楊學可劉惟德清風先生傳新都人學既通丁元季世入雲南之昆明設皋比講論六經名公貴人聞其言多敬事之尋歸西蜀明氏以國子助教逼

之辭不就職逮海宇混一以宿儒計偕赴京師託
老疾辭歸蜀蜀士執經座下者無虛日隨其才教
之皆有造就蜀郎就封召爲國中士子矜式賜田
宅於國之大安門外駟馬橋北特書流水畫橋題
柱客清風精舍讀書人於其門從學者皆稱爲清
風先生云

劔閣芳華集楊敏字學可師杜圭以字

行

楊 觀舊通志新都人正統中進士任御史調蒲
城知縣新都楊氏舉進士自觀始居官行己卓有

聲稱

楊 玟舊通志新都人以監生授永寧吏目公廉
平恕州地廣人稀招佃鄰境與生民共耕而收其
租鄰守請納厚價買之玟時署州印持不可曰他
日生齒漸繁吾不爲怨首乎後知州卒如其請分
價數百以遺玟不受尋卒於官長子次子繼逝餘
子俱幼妻熊氏護三喪還中途阻兵僑寓三年乃
得歸熊性嚴有德以義方教後人子孫多顯官玟
屢贈少保文淵閣大學士

楊春字元之號留耕居新都父玟以明經授永寧州吏目卒於官春時尙幼隨母熊護喪歸入縣學爲諸生家惟周易一部早夜研考得要領成化乙酉舉於鄉辛丑擢進士第欲迎養不得請以疾歸熊夫人日久旣復明戊申授行人司正行人職掌舊制如冊封宗藩徵聘大臣之類多爲諸司所攝奏復之乙卯督學湖廣考校明審人稱爲公越二年欲謝事巡撫以試事留之放榜後致仕去越十有八年卒明敏諒直孝友出至性教諸子每日

修身正家吾人分內事居官則推之國與天下乃爲實用新都自春始倡易學諸生接踵城南橋圮捐俸數百兩蜀藩義而助之忠城弗固會守臣欲爲公孫慎建坊曰與其光寵一舉子盍移之闔邑以庇萬眾城成流賊適至附近州縣趨來保聚者數萬人

楊廷和字介夫新都人成化中以奇童中鄉試弱冠登進士官翰林檢討歷陞翰林學士兼戶部侍郎爲劉瑾所嫉改調南京後召拜華蓋殿大學士

兼吏部尚書與梁儲蔣冕同心輔政武宗無後廷和議迎立肅宗登極後旋以議禮落職廷和怡然歸里卒於家隆慶初追復其官諡文忠

通志

楊慎字用修父廷和以無子禱於神夢神以五代夏魯奇應之曰武臣也輔以中庸十八章遂生慎年十一擬過秦論後舉正德庚午鄉試第三辛未會試第二廷試第一授修撰嘗奉命祀江濱以父命見楊文襄公於京口觀所藏書無不言言成誦慎懼益發憤讀書武皇數遊幸上書諫不報遂

移疾歸世宗繼統起爲講官講尚書金作贖刑篇言大憝不可贖蓋指罪璫張銳于經等以進金得免云其戍永昌也安鳳困木密所慎戎服往援與副使張莪謀固守官兵與賊戰城外慎促城內兵開門夾攻之賊敗去安寧守欲權民鹽牛稅慎謂此刀錐者宜推與民軍官以濬海口役爲利督丁夫六千人下海民苦之慎作書箴告當事俱報罷戍滇三十五年究心著述暫歸蜀者再晚欲長歸已七十餘而滇士有讒之於撫臣王昺者使四指

揮以銀鎗鎖來至滇則曷已墨敗然竟不能歸病
寓蕭寺以沒喪還藁葬新都西門外穆宗卽位贈

光祿少卿諡莊介

雲南通志

王閣字士延新都人嘉靖癸未進士辛卯爲雲
南按察司僉事督學因雲南去中州遠書籍甚少
采輯列代古文爲集要得八十三篇鈔梓給諸士
子由此士風一變

趙善新都監生醴泉縣教諭服官嚴毅善類多所引

進醴泉縣志

孫煒字文煥號松峯新都舉人醴泉縣教諭博學篤
行清謹端方委署縣印因辭不受撫案交章薦其

才守督學顧公極口保薦誠一時之名彥

醴泉縣志

歷

任至甘肅涼州府通判爲政有聲民思其德

甘肅通志

湯仰新都人進士任部郎出守衢州府累官布
政使惠政流聞致仕歸仕宦三十年囊無餘蓄座
有銘曰勢無使盡福無享盡事無做盡言無道盡
以此養德庶幾身潤延及子孫亦有餘慶此可見

其大都云

通志

楊有仁廷和之孫登進士卽具疏論時相以母老
不果上鄒元標廷杖歸眾莫敢問視有仁獨送之
國門以行人選侍御史抗論不避權勢累遷河南
僉事遂拂衣歸居鄉清儉雖出相門無異寒士通志
楊宗吾廷和曾孫以任子官錦衣指揮開採中州
不欲煩民抗章求罷禍幾不測然中州竟藉以罷
役初與監璫同事璫橫甚宗吾屢上疏劾之由是
權璫斂迹中州人甚感其惠通志

國朝

楊鳳岡字聖羽束髮受書博聞強記年十二補弟
子員康熙甲午舉於鄉乙未成進士一時同入翰
林者鳳岡年最少父敬宰憐其弱冠同居京師者
三年及父病請假侍父歸里明年復入京授檢討
充鄉會兩試同考官踰年思念親老請歸終養父
卒因哀毀甚遂相繼而沒士林咸惜之

楊鳳庭字瑞虞號西山幼負奇姿讀書過目不忘
六歲就塾瑞謹如成人愛玩周子太極圖說於陰
陽化生萬物之旨一一皆如夙悟乾隆丙辰舉於

鄉丁巳會試不第奮志研稽並究天文地理醫卜
星象奇門遁甲諸書爲之窮源溯委以晰其闡奧
精岐黃術與人治病應手輒愈黃廷桂任川督時
極相推重擬列薦剡力辭乃止晚年習靜喜談元
著有易經解道德經註醫學諸書卜地青城山中
年七十餘卒學者稱西山先生

高文芳字蘭谷乾隆丁卯舉人戊辰成進士少孤
家貧勵志潛修及登第改敘州府教授秩滿選廣
西懷遠縣知縣在任五載請終養回籍丁母憂服

闕自恐年力衰憊難膺民社呈請就教復補松潘
教授十餘載告歸年八十二卒文芳生平潔清自
守篤於孝友見者無不欽其有溫厚和平之度
傅宗元字勳化乾隆甲子舉人癸未進士官湖北
武昌縣知縣立教訓農興利除弊聽斷廉平不屈
民隱大府以賢能目之甫一載卒於官

李珩字貫之乾隆戊子舉於鄉性穎悟少好讀
書不慕榮利以淡泊自樂邑令延請主書院珩惟
知講習不干外事乙巳歲恭逢

高宗純皇帝舉千叟宴珙時年已七旬以五品封得與宴蒙

恩齋賜詩章珠杖服物優遊梓里有古醇儒氣象

李陽棫字尚菁新都人乾隆壬辰科進士改主事
歷御史授湖南常德府知府常德爲滇黔川廣水
陸要衝與提督同城兵民輻輳巨奸豪猾所叢聚
積蠹龍某窩賭窩竊盜賊公行其黨羽布滿城市
蓋虎而翼者陽域抵任後改裝督役密往擒捕鞫
實盡置於理閭郡肅然他如興學校勸農事添建

育嬰堂以撫卹孤孩凡有利於民者無不畢舉服
官中外垂四十年耿介淡泊終始不渝解組後日
手一編惟以忠孝勸勉後人都人士奉爲矜式皆
以尚菁先生稱之子于謹于章皆邑庠于廷中嘉
慶戊辰科鄉試官河南知縣

尹崇益號謙齋乾隆甲午科舉人陝西米脂縣知
縣勤政愛民清操自守卒於官百姓哀泣哭送者
絡繹於道

羅宗元號東亭乾隆庚辰 恩科舉人由茂州學

正推陞直隸廣平府威縣知縣恩威兼濟人懷其德

高明遠字靜一號敬亭聰穎絕人入邑庠貢成均淹通經史孝友性成克承先業以忠孝勸誡後人性尤樂善好施人有急赴寒衣饑食病與貲藥不能葬者給棺槨邑中名蹟傾圮常補葺之曾以常稔田四十餘畝益養濟院憫獨之食邑令王明府達其事於大吏高風懿行爲當代所重好吟詠寓意深遠不爲風雲月露詞由其抱負不凡也年七

十四卒邑人士至今咸稱道之以子樞官刑部郎中晉封三品中議大夫

李陽烈字象乾邑人賦性孝友聰穎剛直勵志篤行人以國士目之弱冠入邑庠六赴棘圍屢薦不售遂不作出世想娶陳氏生子二怙恃兩失哀禮兼盡事繼母極孝年三十五陳氏物故族鄰勸其再娶毅然曰人生有子足矣再娶何爲訓徒課子友教四方務先德行而後文藝從遊者一時稱盛六十八卒鰥居三十餘載初志不渝嘉言懿行士

林稱之子汝瑚郡明經汝培邑增生孫超元漢州舉人志白新都舉人

魏玉芳字敬一邑貢生父士廉愛金堂山水之秀去家隱居牟池塔之南玉芳措薪米蒔花竹隨侍左右無虛日間復取父中裙自浣濯不敢令父知先是士廉有幼弟早析產居閩之漳南不通問者數十年士廉卒而弟始至人有以真偽莫辨爲言者玉芳曰吾父原有弟某不忍異視也卒以產之半讓之後叔蕩其貲玉芳傾囊資給卒復代營喪

葬事事盡禮邑人莫不高其義玉芳性仁厚樂施與於親戚之貧者時周給而佃人尤感其恩晚年坐臥一室佃人來省視者多流涕人怪問其故曰吾家三代數十口賴以舉火者五十餘年今見公精力就衰不自覺感而涕零也聞者以是益信玉芳爲長者

粟含馨字香山邑回村人也父有餘娶於黃生含馨無何黃卒娶繼室錢生子三含馨性篤孝父母有疾衣不解帶湯藥必親嘗繼母錢性卞急小不

如意詬詈百端含馨嬉笑自謝必得其歡心而後
 已年十六弟就學母命負笈擔囊伴弟讀繼而受知
 學使戴可亭補博士弟子員時弟多嬉遊廢學含
 馨出訓諸弟語出至誠弗聽則繼以涕泣入告母
 以弟力學致母愉悅弟以他事致父責母遷怒時
 時詬詛卒自引疚無幾微怨尤之色父卒諸弟欲
 析爨力阻之不可以舊宅瓦屋讓弟寄居佃庄十
 八年蓬戶樅樞自若也自移居後諸弟多反唇外
 之因細故成訟居中排解訟息而諸弟寢不往來

含馨邀諸弟至己宅再三寬譬會社日仲氏置酒
 肅賓含馨邀兩弟往弟不可強以行後兩弟有酒
 食亦如之諸弟卒以此化以道光乙未年卒壽七
 十有六其伯子純綱邑庠生

忠義

蜀漢

張 任益都耆舊雜記任蜀郡人劉璋遣張任劉
 瓚拒先主於涪為先主所破退與璋子循守雒城
 任勒兵出於雁橋戰復敗擒任先主聞任之忠勇

令軍士降之任厲聲曰老臣終不復事二主矣乃殺之先主歎息焉按舊通志張任新都人

王 累華陽國志新都人州牧璋從別駕張松計遣法正迎先主主簿黃權諫不納累爲從事以諫不入乃自刎州門以明不可三國志劉二牧傳璋從事廣漢王累自倒懸於州門以諫璋一無所受

元

布景龍續宏簡錄新都人篤學有大志舉進士授芒部路益涼州同知時李額驢來寇城中軍力單

弱景龍招募壯勇爲義兵拒之力戰終日互有殺傷因救援外絕射矢且盡知事不能濟乃北向再拜曰臣力竭矣冒刃衝敵死按景龍明一統志作景範

楊 椿續資治通鑑至正十六年張士德兵陷平江時義軍府參謀楊椿守齊門淮兵掩至眾皆不知所爲椿獨謂寇不足畏明旦城且陷椿猶躍馬呼其子若有所指授追者及之遂並遇害椿妻求得其尸亦自經死椿蜀之眉山人徙居吳中教授

強起就小職卒舉家徇義云按明費經虞劔閣芳華集椿字子壽蜀新都人博學能詩文教授吳中強起爲義軍府參謀張士誠兵入平江巷戰而死吳興張文蔚爲作誄據此則椿非眉山人經虞家新繁距新都近不遠見聞似較他書爲確也又按宋紹興末眉山楊氏有由參知政事諡文安者亦名椿見劉道開刪定全蜀人物志豈後人遂爲所誤耶今從劔閣芳華集

國朝

劉君相出行伍拔提標中營外委乾隆三十二年從征緬甸戰沒於陣嘉慶七年補

子恩騎尉世職

虎成林阜和營守備乾隆三十七年從征金川沒于陣廕衛千總

許世亨由武舉補越鴛營把總遷守備乾隆三十六年金川逆命檄世亨隨征進攻札口阿仰格藏達烏爾等處連拔礮砦擢建昌鎮標右營都司又克多功山日本城古礮砦卡奉

旨賞戴花翎加勁勇巴圖魯名號三十八年償拉降番
復叛世亨隨參贊富德克復甲爾木日及僧格宗
諸寨身經數百戰躬冒矢石奪據山梁礮卡殲斃
賊番無算四十年攻克甲雜官寨獨松隘口擒獲
賊首雍中旺爾給餘匪盡降四十一年金川平凡
積功十九等游歷雲南騰越鎮總兵旋丁父憂回
籍聞甘肅逆回踞石峯堡川督李世傑代奏願赴
軍營効力

上命馳驛往勦五十年服闋補貴州威遠鎮總兵五十

二年帶領黔兵二千餘名赴勦臺灣賊匪林爽文
進攻集集堡小半天老衢崎瑯嶠等處所向克捷
俘爽文擒逆黨莊大田改

賜堅勇巴圖魯名號

詔列紫光閣二十功臣像

御製贊曰黔省之兵素稱壯敢率以赴軍半天衝險嬰
之者斷當之者斬不愧丈夫一身是膽二月晉廣
西提督時安南國王黎維祺乞師世亨同總督孫
士毅出關麾兵前進戰於市球江富良江皆捷克

復黎城得

旨封一等子五十四年正月阮惠糾眾謀截世亨與孫士毅分兵力戰賊退黎維祺聞阮首復出棄城潛遁賊益據險抗拒世亨於橋南力戰陣亡奏入上以世亨不避鋒鏑臨陣捐軀深憐恤之令伊子文謨承襲子爵准人昭忠祠以示旌卹續奉

上諭以阮賊搶奪黎城時世亨再三攔阻孫士毅渡江勦賊告以總督非鎮將可比設有疎虞國體攸關令薛忠牽挽孫士毅馬韉退出而世亨帶領將弁

等大呼直前衝殺陣亡當此危急之際能持國體深知大義

上更加憫之晉贈爲伯卽令伊子承襲

特贈三等壯烈伯

賜諡昭毅嗣阮光平籲降遵

旨于黎城立祠以祀乾隆五十五年四月奉

旨許世亨加恩祀賢良祠五十九年二月

上以許世亨出師安南時深明大體忠蓋可嘉伊子文謨以隣近之湖廣省參將卽用文謨官福建陸路

提督 通志

馬懷龍以父大襄田武舉効力委署督標千總出師西藏病故廕八品官後派赴湖北勦禦教匪嘉慶元年沒於陣

高傑由行伍拔成都城守右營外委游歷提標左營守備五十九年擒獲大邑縣匪民王應隆等六十年從征黔楚逆苗疊克苗寨解永綏圍又於馬鞍山結石崗等戰甚力遷梁萬營都司嘉慶元年十月派勦達州教匪時賊屯柏樹場爲我兵所

克盡遁入橫子山地勢險峻賊設卡三座外掘深濠負嶠固守傑隨總兵袁國璜於十一月二十日乘大霧迷漫傑首先搶上力撲頭卡我兵鎗礮齊發並擲火彈焚其草棚殲賊無算賊眾猶抵死抗拒適總兵何元卿亦至奮勇俱上據山梁焚卡二座擒匪黨二十餘人斬之傑因力戰受傷陣亡事聞卹廕雲騎尉崇祀昭忠祠以子定邦襲職

羅應舉由行伍拔馬邊營外委派勦教匪嘉慶二年三月十一日於東鄉縣金莪寺力戰沒於陣

郵廕如例

羅廷柱原任忠州營把總因受傷落後褫革仍留軍營効力嘉慶三年追勦教匪在達州陣亡廕恩騎尉承襲一次

武功

國朝

陳訓由行伍從征西藏有勇力屢著勞績洊陞至廣東提督

趙應奎號崑山以軍功仕至蘇松總兵總理沿海

水師恩威並用陞授提督

王璽新都人行伍雍正十三年由把總積功至湖廣寶慶協

馬大雄新都人由行伍於乾隆四十九年任四川城守右營守備

許世臣新都人由行伍於嘉慶三年任山東登州鎮總兵

馬玉德新都人由行伍於嘉慶六年任提標前營把總

趙琴由行伍於嘉慶元年從征達州奮勇殺賊生擒旗首郭萬富首逆徐天培殺斃首逆楊布青積功由外委游陞至松潘遊擊十三年奉派帶領松潘官兵前往峩眉馬邊征勦猓夷帶兵攻打土魯村挖黑等處殲斃頭目業貴等俱經在事復由大堡城攻克鹽井溪大坪趕山坪牛心山曲曲鳥一帶勦辦蕝事於是年七月初八日凱撤於七月二十四日回營任事於十月內派隨提督軍門豐帶兵出口查辦果羅克賊番搶劫回藏堪布喇嘛一

案追獲全贓並攻打上果羅克斬擒賊番男婦數百餘名口並捉獲賊首蔡太來奔殺斃首賊寧卡來奔嗣因陝匪不法奉四川將軍賽派領松潘官兵在廣元川陝沿邊一帶防堵功陞陝西西安城守參將

賞戴花翎二十三年告養回籍

王良才邑之彌牟鎮人嘉慶三年入伍充當義勇四年六月內在開縣打仗生擒首逆偽元帥五年在方山坪生擒首逆徐添壽八月內在碑灣寺生

擒逆匪三人奪白旗一桿左手帶矛傷右腿帶刀傷六年在揚道士溝生擒逆首鄧天王

賞戴藍翎提補雲南東川營把總七年在平溪河生擒首逆冉天元左腿帶矛傷陞四川烟峯千總於是年九月內在陝西麻柳林打仗殺賊三名割耳結三付奪白旗一桿保奏在事出力於八年凱師回川二十五年陞授川北中營守備道光五年提陞懋功營都司七年陞順慶營遊擊八年赴京引見二月內在途病故

達自祥新都人入籍成都由行伍於嘉慶十年任甘肅肅州總兵

馬應陞新都人由行伍於嘉慶十四年任提標中營外委

馬永陞新都人由行伍於嘉慶十四年任松潘右營千總賞戴藍翎

沈占魁涪州人入籍新都由行伍於嘉慶十六年任四川提標左營千總

瞿心能新都人由武生入行伍於嘉慶十六年任

四川建昌中營遊擊

馬懷謨新都人由行伍於嘉慶十六年任四川重慶右營千總

馬忠林新都人入籍松潘廳由武生入營於嘉慶十七年任四川峽邊左營守備

馬魁新都人由行伍於嘉慶十八年任陝西漢鳳營守備賞戴藍翎

高安邦由武生入行伍於嘉慶二十年任督標右營守備

武魁新都人由行伍拔補外委出師湖南湖北達州陝西等處受傷著績提陞把總

恩賞藍翎游陞都司道光六年出師甘肅打仗出力並生擒賊目趙通事蒙

賞毅勇巴圖魯換戴花翎八年凱撤回川旋即告病次年病起提署提標右營遊擊當西口帶兵往還沿途約束兵丁紀律嚴明尤能愛恤士卒庚寅歲卒於官

謝國泰由行伍入提標左營屢建奇勳補授川北

潼川營都司提陞西藏察木多遊擊

瞿建勛由行伍立軍功補授提標左營把總前署

郫縣仁壽新津把總

梁克峙新都人武庠入提標左營由軍功拔授邑

梅營外委復署重慶府榮昌縣把總

孝友

明

王禹夫字從善新都人持身整峻鄉族稱其孝友有兄弟爭貲者質於其兄舜夫禹夫曰此非義事

切勿問吾家和氣兄弟聞此急當洗耳矣兄以語爭者亦感悟退讓聞者悉化爲友愛

車 政新都人博學隱居父卒政年十四哀毀過甚死而復蘇旣葬朝夕培墳有芝草之祥母病革祈天減壽益母母果愈人以爲誠孝所感

楊維懷新都人從父宦遊扶母櫬歸三峽夜遇羣賊眾皆逃匿獨守母棺賊疑其有財欲發之維懷以身伏柩賊殺之沉尸於水母棺得全

吳應祿新都人正德間母與人忿爭因拋石擊人

至死官坐母罪應祿時年十一引罪歸己卽受禁
母獲免御史盧雍鞫知其狀釋之

國朝

李秀春邑庠生居家淡泊素性孝友值父瑤染痰
疾屢年不愈嘗欲投河秀春微窺父意出卽相隨
一日父疾復發不令子知突出門外秀春覺卽隨
後奔追其父已躍入大江秀春救父情迫亦入水
被溺及屍出秀春猶手握父衣見者無不流涕

楊 紹字雲錦邑人幼列成均一生孝友人無間

言早失怙恃事繼母極孝兄統亡將子鳳桂承祀
原業新都新繁兩處繼母弟縮產業蕩盡紹更以
己膳田給之縮復傾其產紹終事繼母生養死葬
俱克如禮縮年六十同居共食友愛如初至性至
情無邀名意其餘樂善好施睦族和鄰焚券調恤
兩邑人士咸稱道不衰年六十二卒子殿颺庠生
過繼子鳳桂貢生

王世彥字美士號文浦邑庠生昆季三人兄早卒
攜一姪一弟讀且耕自課徒以相給姪頑不率教

強析爨焉甫二年資本蕩然姪旋天世彥撫其遺妻若子復同居姻黨以盛德稱之弟又卒遺一子且殤以三子爲之嗣弟婦矢清操數十年以節孝著聚族人建立宗祠首勸捐輸並出終歲館資助其經費而祠以成生平嗜學不倦及門幾二百人類能敦行立品列膠庠者非賓與大典不入公門長子昀登賢書三子方來入邑庠皆其庭訓也何孝童名國興小字水保彌牟鎮人父廷楷母鄧氏家極貧父以負販爲業道光二年童年十三父

欲攜之出外貿易童以母病需侍養力辭父聽之閏三月十二三更後鎮被火延燒七十餘家火盛時童遍呼人負母擾攘中竟無應者復入門欲自負母出火已及門遂抱母焚死鄉鄰次日稟縣令揀遺骸葬之

鄭國翰字子良少孤家貧事母至孝母陳攜諸子與國翰異地耕種相距十里翰朝暮必趨母所視膳問安寒暑無間晚歲家漸裕與諸弟同居養母不言分爨諸弟亦怡怡一堂及病篤母年已八十

深以不克終事爲恨母忽無疾告終國翰扶掖至
母所一慟而卒子華春孫元芳俱入邑庠

行誼

漢王 忱字少林廣漢新都人也忱嘗詣京師於空
舍中見一書生疾困愍而視之書生謂忱曰我當
到洛陽而被病命在須臾腰下有金十斤願以相
贈後乞藏骸骨未及問姓名而絕忱卽鬻金一斤
營其殯葬餘金悉置棺下人無知者後歸數年縣
署忱大度亭長初到之日有馬馳入亭中而止其

日大風飄一繡被復墮忱前忱白縣縣以歸忱忱
後乘馬到雒縣馬遂奔走牽忱入他舍主人見之
喜曰今擒盜矣問忱所由得馬忱具說其狀並及
繡被主人悵然良久乃曰被隨旋風與馬俱亡卿
何陰德而致此二物忱自念有葬書生事因說之
並道書生形貌及埋金處主人大驚號曰是我子
也姓金名彥前往京師不知所往何意卿乃葬之
大恩久不報天以此彰卿德耳忱以被馬還之彥
父不取又厚遺忱忱辭讓而去時彥父爲州從事

因告新都令假忱休自與俱迎彥喪餘金具存忱由是顯名仕郡功曹州治中從事舉茂才除郿令到官至滌亭亭長曰亭有鬼數殺過客不可宿也忱曰仁勝凶邪德除不祥何鬼之避卽入亭止宿夜中聞有女子稱冤之聲忱呪曰有何枉狀可前求理乎女子曰無衣不敢進忱便投衣與之女子乃前訴曰妾夫爲涪令之官過宿此亭亭長無狀殺妾家十餘口埋在樓下悉盜取財貨忱問亭長姓名女子曰卽今門下游徼者也忱曰汝何故數殺過

客對曰妾不得白日自訴每夜陳寃客輒眠不見應不勝感恚故殺之忱曰當爲汝理此寃勿復殺良善也因解衣於地忽然不見明旦名游徼詰問具服罪卽收繫及同謀十餘人悉伏辜遣吏送其喪歸鄉里於是亭遂清安

後漢書獨行傳

明

楊華劔閣芳華集新都人正德舉人嘉靖四年爲崑山教諭過城西見遺骸命人葬之題詩泐石於崑山僧寺

國朝

楊廷彪字子虎新都人庠生性開爽好施與邑南十五里張家庵後有要津通衢也舟子臨流非錢不濟行旅苦之廷彪積眾捐貲治田四十餘畝每歲雇工撐渡餘以爲修補費人稱便利其業師陳司鐸內江卒不能歸廷彪迎其母子於家養給教育並約同人醵金爲師母身後之計使其得所其他親隣待以舉火者不一而足年七十二而卒余維信字可菴邑之雅普橋人也少攻苦治詞章

補博士弟子員旣而知詞章不足見道也乃留心性命之學嘗以爲孔孟之道至濂洛關閩而大明後之人患不能躬行實踐耳故生平事親孝待弟友處友信矩步規行未嘗以道學自鳴而邑之縉紳耆老見其行者無不以踐履篤實稱之家無田產以束脩之奉自給所居破屋三間僅蔽風雨弟子質經義其中講說紛綸闡前人所未發而其大旨歸於敦倫彰教剽竊浮華不屑也晚年屏絕人事益鍵戶讀經史雖中廚告匱兄弟妻孥怡然自

樂識者以爲所得之深有非世俗能測其所以然者以道光辛丑年卒於家

張瑄字玉召邑庠生幼有至性父卒時年甚少居喪盡禮一如成人母年逾九十多病嘗在牀褥左右承順飲食藥餌從未假手於人雖褻衣污穢亦必親爲洗滌撫孤姪中性愛如己生躬爲誨導中性亦入邑庠人稱其世敦孝友

梁映川字至如新都人幼警敏有志聖賢之學弱冠淹貫經史補金堂博士弟子員以明經例授教

職不就講學於家躬行實踐其教人不專尙詞章就經史中切於人倫日用者講明而切究之至談忠孝節烈之事則娓娓樂道夜分不倦故遊其門者多知名士晚年讀易剖苞符之祕窮造化之精著易說數十篇多前人所未發曰吾姑書吾所見非與前賢爭異同也

周維璋字達禮新都人孝友篤行尊師嗜學因親老家貧廢學從耕朝夕奉養必豐潔後漸充裕弟兄同爨雍睦無間尤好施與族鄰待舉火者數十

家嘗訓子弟曰惡不可存於心善何必出諸口至
今子弟遵其教鄉黨稱爲善士年六十八卒子之
冤庠生孫曾濟濟方興未艾

宋翼基字濬川監生性極孝友少孤事母劉氏能
先意承志嘗讓業於兄以慰親心復養其姪孫
於家以篤親誼且行己端方居心忠厚一生未入
公門廿餘年不履城市鄉里仰其德者咸稱道而
不名子三人錫恆錫章俱入黌宮錫畿職員諸孫
相繼遊泮

鄭通信字崇德邑處士幼聰穎端靜應童子試屢
冠儕輩旋棄去業耕暇則課諸孫誦讀以爲娛每
歲延師家塾族中子弟可造者悉助以束脩薪米
之費族中窘乏者輒相賙惠且有貸以重貲後悉
還其券曰無以此遺後來葛藤外而鄉黨親友負
欠無償及暮年俱召其人焚其借據平生慷慨尙
義大都類是嘉慶十四年以壽逾八旬恭膺

覃恩優錫頂服子一達書候選縣丞孫三孔淵孔源孔
洲俱列膠庠

隱逸

漢

段翳字元章廣漢新都人也習易經明風角時有就其學者雖未至必豫知其姓名嘗告守津吏曰某日當有諸生二人荷擔問翳舍處者幸爲告之後竟如其言又有一生來學積年自謂略究要術辭歸鄉里翳爲合膏藥並以簡書封於筒中告生曰有急發視之生到葭萌與吏爭渡津吏搥破從者頭生開筒得書言到葭萌與吏鬥頭破者以

此膏裹之生用其言創者卽愈生歎服乃還卒業翳遂隱居竄跡終於家

後漢書

宋

白如璧新都人博覽羣書隱居不仕避兵入山不食而死

舊通志

明

田本邑人清心苦行博學好古結廬高隱不求聞達年九十無疾而終

流寓

漢

楊仲續益部耆舊傳楊統字仲通曾祖父仲續舉河東方正拜禱令甚有德惠人爲立祠樂益部風俗因留家新都代修儒學以夏侯尚書相傳

唐

沈穆之仕唐工部郎中隨僖宗入蜀遂居新都彌

牟鎮

費著氏族譜

國朝

吳遜字虛中明末爲蜀府參軍遭張獻忠之亂

攜家遁於彌牟鎮之野倡義守望時土寇猖狂掠鄉中男婦數百人遜奮不顧身百戰追還亂稍定遜結廬什邡倚山而屯刀耕火耨藝黍種蔬時爲猿猴攫去遜作文與約曰爾飽余饑不可也予飽爾饑不忍也且不忍強弓毒矢損爾一命也自今以始不時不食諸種成熟俟予刈穫以歸必留十分之三果爾腹其毋違由是猿猴皆馴服康熙初西川平始返故居猿猴繞屋哀嘯數日夜伴送三十餘里登高望遠長號而別

向廷賡倫風

宋懋迪字吉菴南部縣人由廩貢任新都教諭以
整理學校訓飭士子爲事邑士咸瞻仰焉服官時
所有南部分業田六十餘畝地一段盡與弟且使
每歲所出羨餘敬事先墓歲以爲常後授湖南長
沙府瀏陽縣縣丞陞嘉禾縣知縣因老告休寄籍
新都以終

周國器字玉潭大竹縣人乾隆辛酉科由選拔中
式壬戌會試以明通榜授新都教諭補官後以教
授生徒爲業邃於經學每有闡發皆前賢所未道

從遊之士出其門者多至二千餘人發科甲者指
不勝屈及丁父憂寄籍新都服闋選不就職以母
老願乞終養結廬林溪玩易自樂常作謙德銘以
示教光風霽月時人比之濂溪著有桂湖四書講
義及詩文若干卷

仙釋

周

李八百蜀人初居筠陽之五龍岡歷夏商周年八
百歲一云動則行八百里時人因號李八百或隱

山林或居市廛又修煉於華林山石室丹成還蜀
中周穆王時居金堂山號紫陽真君其後又居新
都龍門洞遂得仙封妙應真人為蜀中八仙之一
節錄通志
並升菴集

漢

麻姑王方平之妹修道得仙後居新都繁陽山山
中有麻姑洞麻姑宅蓋修道之所也唐開元中封
虛寂冲應真人節錄一統志
並名勝志
張道陵沛人留侯八世孫年五十修道隱廣信之

龍虎山又二十餘年入蜀常修煉於繁陽山上有

浴丹池通仙井麻姑洞至今猶存節錄通志
並蜀水經

孫夫人張道陵之妻也同隱龍虎山天師入蜀夫
人棲真江表道化甚行以漢桓帝永嘉元年乙酉

到蜀居陽平化積年丹成永壽二年丙申九月九
日與天師於閬中雲臺山白日昇天子衡字靈真

繼志修煉世號嗣師以靈帝光和二年己未正月

二十三日於陽平化白日昇天仙女傳按舊通志
以為夫人姓雍氏

唐

陽平謫仙仙傳拾遺初九隴人張守珪仙君山有
茶園每歲召採茶人百餘男女傭工者雜處有一
少年自言無親族賃爲摘茶甚勤慧守珪憐之以
爲義兒又一女子年二十六云無親族願爲義兒
之妻孝義端恪守珪甚善之一日山水泛溢市井
路隔鹽酪旣闕守珪甚憂新婦曰此可買耳取錢
出門十數步置錢於樹下以杖叩樹得鹽酪而歸
其術夫亦能之因與鄰婦十數人於墦口市相遇

爲買酒一碗與婦飲之皆大醉而碗中酒不減遠
近傳說人皆異之守珪問其術少年曰我陽平洞
中仙人耳因小過謫人間不久當去旬日間忽失
其夫婦

茹 榮簡州吏事母姚氏至孝令賜一瓜歸以奉
母令知之乃聽歸養後登新都繁陽山得道

悟達國師中和元年隨僖宗入蜀扈蹕至新邑北
郭半里許發地得石函中藏如來舍利十三顆光
明熒徹不可方物遂營塔而貯之底高十三級冠

以金頂後國師亦閉堅固子六十粒於上朝暮常發精光

詳寶光寺碑記

宋

圓悟禪師妙行寺志住成都昭覺寺紹興初賜諡真覺禪師贈思淨律師寶光寺碑記宋圓悟勤禪師卓錫於此徒眾三千餘人舊通志彭州駱氏子得法五祖示眾云通身是眼見不著通身是耳聞不及通身是口說不著通身是心鑑不出通身即且置或若無眼作麼生見無耳作麼生聞無口作

麼生說無心作麼生鑑若向這裏撥得一線路便與古佛同參破孟蜀宣華苑敕建昭覺寺為圓悟道場卒於紹興五年茶毗時舌齒不壞並五色舍利藏之於塔

國朝雍正十一年

敕封明宗真覺禪師

明

彭成邑人少業農長齋誦佛出語無倫次人目為癡萬曆己亥九月忽語人曰吾將大化幸以薪

油助我眾笑之求不已漸有施者得油則飲薪則負至河濱疊而成樓又焚鬚髮搗飯作大念珠二十四以篋貫之辦香向四方膜拜拜畢身坐柴樓火從香起持飯粒念佛不動端然而燼

通志

國朝

通醉號丈雪內江人破山弟子蜀禪教皆祖破山故丈雪門徒甚盛年七十四過彌牟鎮見唐家寺頽敗慨然興復撰有碑記後居寶光寺歸成都昭覺寺以終著有語錄詩文集

壽民

國朝

吳氏漢州生員吳炆之女新都舉人楊瑜之媳貢生楊正和之妻貢生楊大紀大受大澤之母生於雍正五年至道光七年一百一歲生子三人孫十五人曾孫三十三人元孫一人五世同堂是年申報

恩賞絳色緞二疋銀二十兩建坊銀三十兩
賜額曰貞壽之門

羅啟全邑人嘉慶七年五世同堂縣令詳請

恩賞銀四兩粧花緞一疋給與匾額寰宇熙春四字

溫文琮五世同堂乾隆辛亥舉報邑令謹克慎驗
明存案未詳報

溫氏邑處士廖進揚繼室年十九于歸僅十三月
夫故事翁姑極孝撫夫遺孤子成立子與媳又故
撫四孫長孫玉光衛千總次孫玉輝職員氏守節
六十三年五世同堂卒年八十三歲

葉氏黃正賢之妻生於乾隆乙丑現年百歲五世

同堂

鄧氏漢州鄧君達之女幼許字新都劉捷佑之次
子試爲室年二十六歲夫故撫孤子定邦成立孫
五人長孫榮楷於道光六年丙戌潘學憲拔入邑
庠重孫十三人元孫四人五世同堂氏守節五十
七年年八十三卒於道光十八年戊戌

王文蔚生於乾隆八年癸亥十一月初三日現年
一百零二歲住吳村二甲瓦陶灘

何氏黃廷選之妻廷選善醫尤精傷寒全活甚眾

遇貧延請餽藥調治不受謝年七十歲卒人以善
 人稱之妻何氏現年九十三歲子名仲淵六十七
 歲孫名大受四十五歲曾孫名定森二十四歲元
 孫名興仁年六歲興讓二歲五世同堂

劉俸先邑民城南五里居住現年一百歲已具
 詳報

